

Informacija sa sjednice Skupštine V/Z saveza Federacije BiH održane u Sarajevu dana 22.04.2012.godine, sa početkom u 12 sati.  
Sjednicom je predsjedavao prof.dr.Mirsad Kapetanović.

## IZVJEŠTAJI I PLANOVI

Nakon utvrđivanja broja prisutnih delegata, prihvaćen je dnevni red, te su razmatrane sve planirane tačke. Izvještaj o radu i finasijski izvještaj su prihvaćeni jednoglasno. Kao i plan rada za 2012.godinu. Glavne planirane aktivnosti su provođenje prvenstava Federacije u svim granama vazduhoplovnog sporta koje upražnjavaju klubovi.

Istaknut je problem finansiranja rada saveza, koji se ogleda u potpunoj ne zainteresovanosti sponzora za takmičenja na Federalnom nivou u našem amaterskom sportu. Drugi problem je finansiranje saveza od nadležnog Federalnog ministarstva kulture i sporta, koje od ukupnog godišnjeg budžeta za sport od 1.500.000 KM, izdvaja 220.000 KM za finansiranje skoro 100 Federalnih i BH saveza. Kako je općepoznato da većinu od ovih skromnih sredstava dobiju savezi sportskih igara (košarka, rukomet, odbojka), tako većina ostalih saveza ne dobije niti jednu marku, a nama je dodijeljeno 2.000 KM i to nakon žalbe. Naš savez aplicira sa programom Federalnih prvenstava (paraglajding, padobransko, jedriličarsko, motorno i aeromodelarsko), što je u suštini glavna nadležnost Federalnog saveza.

Federalno ministarstvo obrazovanja i nauke finansira projekte udruženja koja provode projekte iz oblasti koje se nalaze u školskim nastavnim planovima i programima. U vezi sa ovim kriterijumom, iskristili smo našu branšu aeromodelarstvo, te nam je dodijeljeno 5.000 KM (maksimalni iznos koji može dobiti udruženje od navedenog ministarstva). Na žalost zbog nedostatka sredstava u budžetu FBiH za 2011.godinu, navedena sredstva nam još nisu uplaćena.

Nakon više intervencija, Federalna vlada je na sjednici održanoj 09.02.2012.godine donijela odluku o promjeni Uredbe o organiziranju službi zaštite i spašavanja, tako da sada postoje svi zakonski uslovi da se sa Federalnom upravom Civilne zaštite potpiše ugovor. Sve tehničke pripreme sa naše strane su završene (izrada elaborata sa pratećom dokumentacijom). Očekujemo prijem kod direktora FU CZ, koji treba izdati nalog svojoj stručnoj službi da se potpiše ugovor.

Svim klubovima je ponuđena administrativna podrška kancelarije saveza, oko izrade aplikacija na javne pozive za finansiranje projekata, sponzorskih ponuda i drugih akata.

## ČLANSTVO SAVEZA

U članstvo saveza je primljeno pet klubova i to: Delta klub Bihać, Aerocentar „Panorama“ Bihać, Aeroklub „Ikar“ Sarajevo, Aeroklub „Kreševo“, Klub ekstremnih sportova „Perun“ Vareš.

Tri kluba nisu platili članarinu za 2011.godinu (Paraglajding klub „Vektor“ Zenica, Paraglajding klub „Travnik“ i Paraglajding klub „Extreme“ Mostar). Skupština je jednoglasno donijela odluku o isključenju navedenih klubova koja se neće izvršiti ukoliko plate članarinu u roku 30 dana od dana održavanja sjednice Skupštine.

## INFORMACIJA O RADU DRŽAVNOG SAVEZA ( VS BIH )

Članovi Skupštine su informisani o radu Vazduhoplovnog saveza BiH. Obavješteni su da do marta ove godine kada su održane sjednice Skupštine i UO državnog saveza (VS BiH), skoro dvije godine nije bilo održavanja sjednica navedenih organa. Na sjednici održanoj

04.03.2012.godine ostavku je podnio dosadašnji predsjednik g.Nenad Novaković i generalni sekretar g.Omer Kulić. Na istoj sjednici za generalnog sekretara je imenovan Alen Halak, a za izvršnog sekretar g.Nemanja Goronja. Novi predsjednik saveza je g.Duško Grmuša. Naslijeđen je dug od oko 20.000 KM. Poduzeto je niz mjera i radnji na konsolidaciji saveza, te se ove godine očekuje održavanje državnih prvenstava u padobranstvu, paraglajdingu, jedriličarstvu i aeromodelarstvu, a zatim i nastupi Paraglajding reprezentacije BiH na Evropskom prvenstvu u Makedoniji, Padobranske reprezentacije BiH na Svjetskom prvenstvu u Emiratima i Aeromodelarske reprezentacije na Evropskom prvenstvu u Italiji.

#### USVAJANJE NOVOG STATUTA

Skupština je jednoglasno usvojila novi Statut V/Z saveza Federacije BiH.

Dosadašnje petočlano Predsjedništvo se sada naziva Upravni odbor, a njegovi članovi se biraju vodeći računa o zastupljenosti svih grana vazduhoplovnog sporta. Zatim je uvedena funkcija predsjednika Skupštine na koju je imenovan g.Vjenčeslav Braco Kukić. Skupštinu sada čine po jedan delegat-predstavnik učlanjenih klubova/udruženja. Preciznije su definisani prijem i isključenje iz članstva saveza, zatim način podnošenja izvještaja o radu i finansijskog izvještaja, koje Upravni odbor podnosi Skupštini.

Sjednica je završena u 13:30.

Druženje je nastavljeno, uz zakusku, do 15 sati.